

摘藻堂四庫全書薈要

經部

之人哉特將以為同志者講論切磋之資而已題曰癸
巳孟子說云者蓋將斷此而有考於異日也乾道九年
十月二十日廣漢張拭序

講義發題 戊子

學者潛心孔孟必求其門而入愚以為莫先於明義利之辨蓋聖賢無所為而然也無所為而然者命之所以不已性之所以不偏而教之所以無窮也凡有所為而然者皆人欲之私而非天理之所存此義利之分也自未知省察者言之終日之間鮮不為利矣非特名位貨殖而後為利也意之所向一涉於有所為雖有淺深之不同而其為徇己自私則一而已如孟子所謂內交要

譽惡其聲之類是也是心日滋則善端遏塞欲通聖賢之門牆以求自得豈非却行而望及前人乎雖使譚高說妙不過渺茫臆度譬諸無根之木無本之水其何益乎學者當立志以為先持敬以為本而精察於動靜之間毫釐之差審其為霄壤之判則有以用吾力矣學然後知不足平時未覺吾利欲之多也灼然有見於義利之辨將日救過之不暇由是而不舍則趣益深理益明而不可以已也孔子曰古之學者為己今之學者為人

為人者無適而非利為己者無適而非義曰利雖在己
之事皆為人也曰義則施諸人者亦莫非為己也嗟乎
義利之辨大矣豈特學者治己之所當先施之天下國
家一也王者所以建立邦本垂裕無疆以義故也而霸
者所以陷溺人心貽毒後世以利故也孟子當戰國橫
流之時發揮天理遏止人欲深切著明撥亂反正之大
綱也其微辭奧義脩載七篇之書如拭者雖曰服膺而
學力未充何足以窺萬一試以所見與諸君共講之願

無忽而深思焉

欽定四庫全書薈要卷二千九百六十

經部

孟子說卷一

宋 張栻 撰

梁惠王上

孟子見梁惠王王曰叟不遠千里而來亦將有以利吾國乎孟子對曰王何必曰利亦有仁義而已矣王曰何以利吾國大夫曰何以利吾家士庶人曰何以利吾身上下交征利而國危矣萬乘之國弑其君者必千乘之家千乘之國弑其君者必百乘之家萬取千焉千取百

馬不為不多矣

取程子云齊語謂某處取某遠近

苟為後義而先利不

奪不贗未有仁而遺其親者也未有義而後其君者也

王亦曰仁義而已矣何必曰利

梁惠王與孟子相見之初而遽發何以利吾國之問
蓋自王者之迹熄而霸說盛行一時謀國者不復知
義理之為貴專圖所以為利者惠王習夫言利之俗
徒見彊弱之相陵巧智之相乘知謀國有利而已是
以此問發於見賢之初也孟子告之以王何必曰利

亦有仁義而已矣先正其心而引之以當道也於是
言利之為害蓋王欲利吾國則大夫欲利其家士庶
人欲利其身矣上下交騖於利而國其有不危者乎故
萬乘之國弑君者必千乘之家千乘之國弑君者必
百乘之家惟其以利為先而不顧於義則其勢必至
於不奪則不廢利之所在豈復知有君親之為重哉
然則欲利反所以害之也若在上者躬仁義以為本
則在下者亦將惟仁義之趨仁莫大於愛親義莫先

於尊君人知仁義之趨則其有遺其親而後其君者
乎此其益於人之國可謂大矣蓋行仁義非欲其利
之而仁義之行固無不利者也其所以反復警告者
深切著明王道之本實在於此故重言之曰亦有仁
義而已矣何必曰利

孟子見梁惠王王立於沼上顧鴻鴈麋鹿曰賢者亦樂

此乎孟子對曰賢者而後樂此不賢者雖有此不樂也

詩云經始靈臺經之營之庶民攻之

作治之也

不日成之經

始勿亟庶民子來王在靈囿麋鹿攸伏麋鹿濯濯白鳥

鶴鶴

濯濯肥澤貌
鶴鶴潔白貌

王在靈沼於物魚躍

物滿也

文王以民

力為臺為沼而民歡樂之謂其臺曰靈臺謂其沼曰靈

沼樂其有麋鹿魚鼈古之人與民偕樂故能樂也湯摅

曰時日害喪予及女

音汝

偕亡民欲與之偕亡雖有臺池

鳥獸豈能獨樂哉

梁惠王顧鴻鴈麋鹿而謂孟子孟子若告之曰賢者

何樂乎此則非惟告人之道不當爾而於理亦有未

完也對曰賢者而後樂此不賢者雖有此不樂也辭
氣不迫而理則完矣蓋王之所謂樂者人欲之私期
以自逸者也孟子之所謂賢者而後樂此者天理之
公與民偕樂者也文王之詩曰經始靈臺經之營之
庶民攻之不日成之言文王始欲為此臺方經營規
度而庶民皆來効其力不日而有成以文王之無欲
為庶民主民既安樂矣而文王為臺則民亦豈不樂
夫君之樂哉經始勿亟庶民子來曰勿亟者以見文

王之心惟恐其勞民也曰子來者以言民之樂為如
子之趨其父事也文王則勿亟庶民則子來君民之
相與如此王在靈囿麋鹿攸伏又曰麋鹿濯濯白鳥
鶴鶴王在靈沼於物魚躍重言物之樂其生以見文
王之仁被於庶物而民亦樂夫文王之囿如此其蕃
且美也曰古之人與民偕樂故能樂也此賢者而後
樂此者也湯誓曰時日害喪予及女偕亡民曰曷時
日而喪乎予欲與女偕亡也其厭苦之甚至於此曰

民欲與之偕亡雖有臺池鳥獸豈能獨樂哉此不賢者雖有此不樂者也嗟乎民一也得其心則子來而樂君之樂失其心則害喪而亡君之亡究其本則由夫順理與徇欲之分而已人君若常懷不敢自樂之心則足以遏人欲矣常懷與民皆樂之心則足以擴天理矣可不念哉

梁惠王曰寡人之於國也盡心焉耳矣河內凶則移其民於河東移其粟於河內河東凶亦然察鄰國之政無

如寡人之用心者鄰國之民不加少寡人之民不加多

何也孟子對曰王好戰請以戰喻填然鼓之

填鼓音也

兵刃

既接棄甲曳兵而走或百步而後止或五十步而後止

以五十步笑百步則何如曰不可直不百步耳是亦走

也曰王如知此則無望民之多於鄰國也不違農時穀

不可勝食也數罟

密網也

不入洿池魚鼈不可勝食也斧

斤以時入山林材木不可勝用也穀與魚鼈不可勝食

材木不可勝用是使民養生喪死無憾也養生喪死無

憾王道之始也五畝之宅樹之以桑五十者可以衣帛
矣雞豚狗彘之畜無失其時七十者可以食肉矣百畝
之田勿奪其時數口之家可以無飢矣謹庠序之教申
之以孝悌之義頌白者不負戴於道路矣七十者衣帛
食肉黎民不飢不寒然而不王者未之有也狗彘食人
食而不知檢塗有餓莩而不知發餓死者曰莩
莩零落也人死則
曰非我也歲也是何異於刺人而殺之曰非我也兵也
王無罪歲斯天下之民至焉